

雅知釜而性喜附已釜爲人剛直不阿充善書鑒
永嘉忤尤忤其姻戚之典選者典選者陰用計調之咸
都溫人不得而留也以十善頌之皆實政云會釜微有
足疾遂稱篤不赴居鄉與毛憲居相近修飾亦稱同志
憲於地方利病欲有陳說必咨釜而後行尤以釜之才
優經理也釜居去降子廟南不數里世傳釜初生時鄉
人有周老者侵晨過降子廟見一儒生自廟出而南追
之不可及至釜居忽不見聞之則釜生矣疑以爲神所
降云

本碑安
定撰述

丘釜字朝洪宋文定公密後性簡伉而才甚高視天下人

縣志卷六

人物

八十一孫四〇九

多齷齪不可與語視天下事率瑣尾不足爲錐在塵世

必當孤騫遠舉俾塵坭自不能干斯善爾待濁而蛻

待礪而淨抑下矣其爲今古文辭必人所不及思所不

道語又未嘗不中題旨而愜人意也年十二而喪其父

即與弟鑒廬墓三年年二十有八登嘉靖戊子鄉書家

日益窘蓋釜旣不能俯仰于時又不屑問家人生事而

獨倚其弟鑒又念弟之獨苦也擬資羞脯以養未幾以

懶罷又擬資鑒以養未幾又以懶罷三上春官不第卽

棄去制義不復應試日坐一小亭殘竹數竿遺編數帙

環堵常缺不治載酒問奇亦罕其人幾幾乎遺世獨立